

30. 01. 2020

02-03-5457

Sarajevo,

Broj:

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-4853 od 27.01.2020.godine, Generalna direktorica donosi:

ODLUKU

o izboru najpovoljnijeg ponuđača za
"Nabavku zamjenskog NAS servera KCUS-a"

I

Prihvata se prijedlog Komisije za javnu nabavku, Izvještaj br. 03-06-4853 od 27.01.2020.godine, za nabavku zamjenskog NAS servera KCUS-a, nakon provedenog postupka javne nabavke, putem konkurentskog zahtjeva i ugovor dodjeljuje najpovoljnijem ponuđaču „MIBO-KOMUNIKACIJE“ d.o.o. Sarajevo sa slijedećim elementima ugovora:

(Mrežni uređaj za pohranu podataka - tip 1 u iznosu od 15.892,00 KM bez PDV-a

Mrežni uređaj za pohranu podataka – 2 tip u iznosu od 34.025,00 KM bez PDV-a

Ukupna vrijednost ugovora: 49.917,00 + 8.485,89 PDV = 58.402,89 KM sa PDV-om

Rok isporuke: do 40 dana od obostranog potpisivanja ugovora

Uslovi plaćanja: Odgođeno plaćanje u roku 60 dana od dana isporuke, ugradnje i ispostavljanja računa

Garancija na isporučenu opremu: 36 mjeseci nakon isporuke opreme.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, u skladu sa dostavljenom Izjavom ponuđača, ne starije od 3 mjeseca računajući od momenta predaje ponude, ukoliko isti nisu dostavljeni uz ponudu.

III

Ova Odluka stupa na snagu danom donošenja i objavit će se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

OBRAZLOŽENJE

Na osnovu Odluke o pokretanju postupka javne nabavke br.02-03-68204 od 31.12.2019.godine, pokrenut je postupak javne nabavke za nabavku zamjenskog NAS servera KCUS-a sa procijenjenom vrijednošću u iznosu od 49.999,00 KM bez PDV-a. Nabavka je planirana Planom javnih nabavki za 2019.godinu: pod klasifikacijom robe redni br.42, (Odluka o usvajanju Plana javnih nabavki Kliničkog centra Univerziteta u Sarajevu za 2019.godinu, br. 02-01-18632 od 09.04.2019.godine).

Klinički centar Univerziteta u Sarajevu je dana 31.12.2019. godine na portalu e-nabavke, objavio Obavještenje o nabavci broj: 893-7-1-872-3-540/19 zajedno sa tenderskom dokumentacijom. Sa portala e-Nabavke tendersku dokumentaciju je preuzelo 18 (osamnaest) ponuđača, a do krajnjeg roka određenog za prijem ponuda, 22.01.2020. godine do 10 h i 30 min, dostavljene su 2 (dvije) ponude ponuđača:

1. MIBO Komunikacije d.o.o. u iznosu 49.917,00 KM bez PDV-a
2. Zerick d.o.o. u iznosu 48.800,00 KM bez PDV-a

Komisija za predmetnu javnu nabavku imenovana Odlukom broj:02-03-1137 od 08.01.2020.godine je izvršila analizu ponuda i konstatovala je slijedeće:

Na osnovu obavještenja o nabavci i Tenderske dokumentacije objavljene na portalu E-nabavke Komisija je pristupila provjeri dokumentacije i konstatovala sljedeće :

Ponuda ponuđača Zerick d.o.o. - **nije formalno-pravno ispravna**, iz sljedećih razloga:

- Dostavljen je 1 (jedan) validan certifikat za Cisco CCNP Routing & Switching (prema TD, tačka 2 pod 1) 1.1. traženi su certifikati minimalno za 2 člana tima
- Nisu dostavili tražene certifikate za Microsoft **MSCE Core Infrastrucure**. Tenderskom dokumentacijom (tačka 2, stavka 1) 1.2 predviđeno je da minimalno 2 člana tima imaju certifikat za Core Infrastrukturu, a dostavljeni su certifikati za MCSE Cloud Platform and Infrastructure Charter Member.
- Dostavljen je samo 1 validan certifikat za VMware VCP v6, a u TD, tačka 2, Stavka 1) 1.3 traženo je da minimalno 2 člana tima imaju validan certifikat (Certifikata za VMware VCP v6 na ime Sohail Ahmed bio je validan do 25.02.2018.godine).

Imajući u vidu prednje navedeno ponuda ponuđača Zerick d.o.o. **ne uzima u dalje razmatranje**.

Ponuda ponuđač MIBO Komunikacije d.o.o je formalno-pravno i tehnički ispravna i uzima se u dalje razmatranje.

Za dodjelu Ugovora za nabavku zamjenskog NAS servera KCUS-a predviđeno je provođenje e-aukcije, ali u skladu sa Članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) nije bilo moguće zakazati postupak e-aukcije iz razloga što je dostavljena samo jedna prihvatljiva ponuda u predmetnom postupku.

Budući da je cijena zadovoljavajuće ponude u okviru osiguranih sredstava za predmetnu nabavku, te da je u konkurentskom zahtjevu objavljenom na portalu e-Nabavke br. 893-7-1-872-3-540/19 od 31.12.2019.godine, zadovoljena transparentnost, Komisija je dala prijedlog, Izvještaj br. 03-06-4853 od 27.01.2020.godine, da se za nabavku zamjenskog NAS servera KCUS-a, Ugovor dodijeli ponuđaču **MIBO KOMUNIKACIJE d.o.o** u iznosu do 49.917,00 KM bez PDV-a.

Prijedlog Komisije je prihvaćen i donijeta je odluka kao u dispozitivu.



GENERALNA DIREKTORICA
Prof. dr. Sebiya Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS